

# Kart wchopi daa bzej Páblona' na' bseleen lao ben'ka' nonlilall' Jesucrístona' yell Tesalónicaana'

**1** <sup>1</sup>Nad' Pablo, na' Silvánoni len Timotewi chwapnto' le' chiox, ka le' chdop chllagle choe'la'ole Xacho Chioza' na' Xancho Jesucrístona' Tesalónicaana'. <sup>2</sup>Na' chñabinto' legake' gonshgagake' ka gak wen chele na' wzoagake' le' mbalaz.

<sup>3</sup>Dii licha toshiizi chiyal' we'nto' Chioza' yel' choxken ni chele, le' ben' bish' na' le' ben' zan', daa zejch chonlilall'le Jesucrístona' na' daa to tole zejch chakile ben'. <sup>4</sup>Daan, choe'nto' xtill'le lao ben'ka' nonlilall' Crístona' to to gana' chdop chllaggake' choe'la'ogake' Chioza' ka nak daa zoachechle toshiizi nonlilall'le Crístona' la'kzi chen chle'ile yel' zak'zi'ka'. <sup>5</sup>Na' yog'lol' dga chli'n ka wen ben Chioza' wleje' le' gake lall' nee, na' chli'n dii li nakle ben' chido! lljaoa gana' chñabi'e, la' ni cheyinnan' chzak'zi'le.

<sup>6</sup>Na' Chioza', beena' chchoglo che ben' ka chiyal', wsak'zi'e ben'ka' chsak'zi'gake' le'. <sup>7</sup>Na' le' chzak'zi'le naa, Chioza' gone' ka soale mbalaz, na' ka'kz gone' chento' kat'ka' ziza' Xancho Jesús'a' yabana' ladj bel' yi'na' kon anjl che'ka', ben'ka' nap yel' wak xen, <sup>8</sup>kwenche wsak'zi'e ben'ka' bi bembia'gake' Chioza' ni bi bzenaggake' dill' wen dill' kob che Xancho Jesús'a'. <sup>9</sup>Ben'kin sakzi'gake' zejli kani na' bi yillingake' gana' chñabia' Xanchona' kon yel' wak choo yel' wak xen che'na'. <sup>10</sup>Ka' gak chegake' kat' yila' Xancho Jesucrístona' kwenche ben'ka' nak lall' nee koogake'ne' balaan na' yibachgayi yog' ben'ka' wyajle' che', na' lenle, daa wyajle'le xtilleena' be'lento' le'.

<sup>11</sup>Daan, toshiizi chñabnto' chele kwenche Chioza' ile'shiile' le' lega ben' gox wñabe', na' gaklene' le' kon yel' wak che'na' kwenche yiyoll gonle yog' dii wenna' ba yoo yichjle na' bichlè

dii wenka' cheenile' gonle daa nonlilall'lene' <sup>12</sup>kwenche Xancho Jesús'a sho'e balaan ni che daa chonle, na' lekzka' kwee le' balaan. Na' Chios chechona' na' Xancho Jesucristona' gaklengake' le' gak ka'.

**2** <sup>1</sup>Na' naa, le' ben' bish' na' le' ben' zan', ka nak daa ziza' Xancho Jesucristona' na' daa yidi'a yillagcho yiyakchone' txen, chnabinto' le' <sup>2</sup>bi gakllejile ni bi illeble kat' yenile inagake' ba bila'lə Xanchona'. Axt inatelzgabe': "Ki ba wna Chioza'", wa inazgabe': "Ki wna Páblona'", wa, "Ki bene'n yish nan ba bila'lə Xanchona'." <sup>3</sup>Bi we'le latj no siye'zə le' ka nak diiki. La' aga wiyedzie' shi ben'ka' chwiyi Chioza' bin' yizoshi'yake'ne', na' shi bin' ichej beena' nak ben' mal wal,<sup>a</sup> beena' ba nakten kwiayee. <sup>4</sup>Beenin gon kwine' liizelozi ben' choo ben' xen na' wsej wllone' we'la'o ben' Chioza' wa bittezə dii nonlilall'gabe'. Na' lljchi'e loo yoodo' che Chioza' gon kwine' ka Chios.

<sup>5</sup>Abi chjadinile bshaljlen' le' cheyi dga kana' zoalen' le'? <sup>6</sup>Naa ba nezile non ni nkwez beeni kwenche bi yobile' wli'lawe'. <sup>7</sup>Do ngash'zə ba wzolokzə chak dii mala' daa ba yoo xnezin gakə. Stozə chyallj ikwas beena' ni nzague'n kwenche wli'lawin. <sup>8</sup>Na'ch wli'lao ben' mal wala', na' wit Xancho Jesús'a'ne' kon bishbe che'na' na' wlliaeyene' ka ziza'lene' ye!' chey cheeni' che'na'. <sup>9</sup>Ka nak ben' mal wala', dii xiwaan gaklenan le' gone' biya ye!' wak diika' gon ka yibani ben' kwenche siyee legake'. <sup>10</sup>Na' wchine' yog' de wxiye' kwenche siyee ben'ka' ba nakan kwiayi' daa bi goklall'gabe' wlebgake' daa nak dii li kwenche yilagake'. <sup>11</sup>Daan, Chioza'kzə cho'e latj shajle'gabe' che de wxiye'ka', <sup>12</sup>kwenche kwiayi' yog'loite ben'ka' bi wyajle'gabe' che daa nak dii li, san bibachgakile' daa nak dii mal.

<sup>13</sup>Na' neto' naa, toshiizi chiyal' we'nto' Chioza' ye!' choxken ni chele, le' ben' bish' na' le' ben' zan', ben' chaki Chioza'. La' dii nechte Chioza' wleje' le' kwenche yilale bi kwiayi'le daa ba bixis biyib Espíritu Santo che'na' le' na' daa chajle'le dill' li che'na'. <sup>14</sup>Ni cheyi dgan, gox wnab Chioza' le' ka be'lennto' le' dill' wen dill' kob che'na', kwenche idol'le sho'lenle Xancho Jesucristona' balaan.

<sup>a</sup> 2:3 Beena' nak ben' mal wal: xtila' nagake' el hombre de pecado wa el hombre malvado. Bwia 1 Jn. 2:18.

15Na' le' beṅ' bish' na' le' beṅ' zan', li soaḱheḱ na' li kooshao' diika' bli' bsdinto' le' ka be'lennto' le' dill' na' ka bzejnto' le'. 16Na' kwin Xancho Jesucristona' na' Xacho Chioza', beena' ba gokile' cho' na' lo yel' beṅ' wen ḱhe'na' ba beṅ' cho' yel' chxenlall' zejli kaṅi na' to dii wen dii shao' dii goncho lez, 17 wtipshgagake' lall'le na' wzoaḱheḱgake' le' kwenḱe toshiizi gonle wen na' we'le dill' wen dill' shao'.

**3** 1Dii zeelo nanto' le', beṅ' bish' na' le', beṅ' zan', li inabshayi Xanchona' ḱento' kwenḱe cho'a xtilleena' choe'lennto' beṅ' illiljan tolbe'zə na' wlebgake'n lega dii zakii, kon ka benle le', 2na' kwenḱe yisle' neto' lo ni'na na' beṅ' malka', beṅ'ka' chon dii bi yejni'alallii. La' aga yog' beṅ' chajle'gake' ḱe Xanchona'. 3Per neziḱo Xanchona' chone' ka ne', na' gone' ka soaḱheḱchle na' gap wwie' le' lao dii mala'. 4Na' nḱenlall'nto' Xanchona' chaklene' le' chonle ka ba wnanto', na' toshiizi gonlen. 5Na' Xanchona' gaklene' le' gakile' beṅ', ka chon Chioza' chakile' cho', na' so sakile gaple yel' chxenlall' lao yog' daa yen ile'ile ka ben Crístona'.

6Le' beṅ' bish' na' le' beṅ' zan', kon yel' wṅabia' ḱe Xancho Jesucristona' nanto' le' bi gonle txen nottezə beṅ' bish'choka' chdaliazə, la' aga kan' bsdinto' le'. 7La' nezkzile ka chonnto', na' kan' chiyaḷ' gonle. Neto' biga wzoaznto' ka beṅ' lia ladjlena'. 8Ni biga wdaoaznto' yel' wao ḱe beṅ' na' bi wdixjnto'n, san ka tella ka waḷ bilal bizodinto' bennto' llinna' kwenḱe ni tole bi beninto' zed. 9Na' dii liḱa, zak'kzə wṅabnto' yel' goklen ḱhena', sheḷ'ka', per bennto' llin kwenḱe ble'ile, na' kan' gonle. 10Kana' zoalennto' le' wnanto': "Beena' bi cheenile' gone' llin, lekzka' bi gawe'." 11Na' ba beninto' baḷ-le kon chdale to ni to na', ni bi chonle llin, na' chlalltezi ḱele ga bi chiyaḷ'. 12Na' beṅ'ki chon ka', chṅabinto' legake' kon yel' wṅabia' ḱe Xancho Jesucristona' bich tazgake' ka'z, san gongake' llin kwenḱe yeej gaogake'.

13Na' le' naa beṅ' bish', na' le' beṅ' zan', bi lljxakile gonle dii wenna'. 14Shi no bi chzoa dill' ka nanto' lee yishi, li wwia no beena' na' bi gonlene' txen kwenḱe yido'ile'. 15Bi nia' gakzbanilene', san wzajniile'ne' ka beṅ' bish'le.

16 Na' kwin Xanchona', beena' chzoa cho' mbalaz, gone' ka soale mbalaz toshiizi bittezə dii chak chele. Xanchona' soalenshgue' yog'lolele.

17 Nad' Pablo, kwin' chzej'<sup>b</sup> to chop cho'a lee yishi chwap' le' chiox, kan' chzej' lee yog' yishka' chselaa laolena' kwenche inezile nad'kzan chselaan. 18 Xancho Jesucristona' gaklenshgue' yog'lolele.

---

**b 3:17** *Kwin' chzej'*: Páblona' bchine' ben' bzeje' dillaa bi'e, per kwine' bzeje' to chop cho'a dill' gana' chiyoll yisha' kwenche gokbe'gakile' len' bseleen.